

**Kommunit aaqqissugaanerata nutarternera pillugu Inatsisartut
inatsisissaannut siunnersuut**

pillugu

Inatsisartut Aaqqissusseqqinnissaq pillugu Ataatsimiititaliarigallagaata

NALUNAARUTAA

Siunnersuutip pingajussaaneerneqarnerani saqqummiunneqartoq

Aaqqissusseqqinnissamut Ataatsimiititaliaq suliarinninnermini ukuningga
inuttaqarpoq:

Inatsisartunut ilaasortaq Lars-Emil Johansen, Siumut, siulittaasoq
Inatsisartunut ilaasortaq Lene Knüppel, Demokraterne, siulittaasup
Inatsisartunut ilaasortaq Godmand Rasmussen, Atassut
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Anthon Frederiksen, Kattusseqatigiit Partiiat

Aappaasaaneerinermi isummanik saqqummiussat tunngavigalugit
Aaqqissusseqqinnissamut Ataatsimiititaliaq isumaqatigiittoq allannguutissatut
siunnersuutininik saqqummiussivoq.

Nunaqarfinit ikinnerpaamik marlunnit ataatsimoorussamik nunaqarfinni
aqutsisoqarnissamik piumasaqaammit immikkorluinnaq ittumik immikkut
akuersissummik angusaqarnissamut allannguutissatut siunnersuutikkut
kommunalbestyrelse periarfissinneqassaaq. Nunaqarfiit avinngarusimavissut
nunaqarfiilluunniit inuttuut pillugit immikkorluinnaq pisuni Naalakkersuisut
tamatumangga immikkut akuersissuteqarsinnaassasut taamaalilluni
siunnersuutigineqarpoq.

Kommunalbestyrelse pineqartoq ataatsimoorussamik nunaqarfinnut aqutsisunik
nunaqarfinit marlunnit amerlanerusunit peqataaffigineqartumik qanoq
annertutigisumik katiterisimanagera immikkut akuersissuteqarnermik
nalunaaruteqarnissamik aalajangiinermi Naalakkersuisunit pingaartinneqassasoq
siunnersuutigineqarpoq.

Taamaalilluni aallaavissajuassaaq nunaqarfinnut aqutsisut ataatsimut amerlassusiisa
affaannangortinneqarnissaat.

Lars-Emil Johansen
siulittaasoq

Lene Knüppel

Godmand Rasmussen

Ane Hansen

Anthon Frederiksen